



MANIFEST ZA DEMOKRATIZACIJU EVROPE

Evropa će se demokratizovati kada oligarhija bude svrgnuta!

Uz svu njihovu zabrinutost oko inflacije, migracija, populizma, klimatskih promjena, pandemija, sigurnosti i terorizma, samo jedna stvar užasava evropske moćnike, a to je: **Demokratija!**

Oni vole da govore u ime demokratije, ali samo da bi je negirali u praksi. Pokušavaju preuzeti, korumpirati i manipulirati demokratijom u svoju korist.

Takozvana borba 'liberala' i 'desnih populista' je laž: Bez obzira ko "pobjeđuje", sistem nedemokratskog, netransparentnog odlučivanja postavljen je da spriječi obične ljude da imaju bilo kakvu kontrolu.

Cijena toga nije samo kraj demokratije, već i trajni ekonomski pad, društvena stagnacija, tehnološka zaostalost i klimatska destrukcija – potpuni poraz evropskog projekta koji nam je obećan.

Srećom, postoji i drugi put. Onaj kojem se ova "službena Evropa" opire svim žilama svog autoritarnog načina razmišljanja: **demokratska revolucija!**

Zato je stvoren DiEM25, sa hrabrim ciljem da se zauzme za obične ljude i njihove potrebe protiv nekolicine moćnih. Osnovani 2016. godine, dolazimo iz svih dijelova Evrope i šire, ujedinjeni različitim kulturama, jezicima, naglascima, političk-stranačkim pripadnostima, ideologijama, bojama kože, rodnim identitetima, vjerovanjima i sposobnostima.



Demokratija znači 'vladavina većine' koji su, po pravilu, siromašniji. Suprotnost tome je oligarhija, koja predstavlja 'vladavinu nekolicine', po pravilu, bogatijih.

Evropljanima se govori da živimo u demokratijama, za razliku od onih istočno od nas, kojima vladaju slovenski oligarsi. Ovo je laž.

Vladavina prava, na sreću, bolje je uspostavljena u Evropi. Ali, u stvarnosti, Evropljani žive u oligarhijama koje karakterišu povremeni izbori, čiji se rezultati zanemaruju ukoliko idu protiv interesa evropskih oligarha.

U sjenci ove mračne stvarnosti, sada postavljamo našu jednostavnu radikalnu ideju: demokratizovanjem Evrope, moramo srušiti oligarhiju.

Nadahnuti smo vizijom Evrope koja se zalaže za razum, slobodu, toleranciju i maštu. Ovakvu Evropu čine istinska solidarnost, transparentnost, i autentična demokratija.

Pozivamo ljude u Evropi i šire da nam se pridruže kako bismo zajedno zaustavili uspon autoritarizma, bio on "liberalni" ili populistički.

Pozivamo vas da uvidite da ono što počinje kao puko protivljenje našem trenutnom užasnom sistemu će posljedično proizvesti svijet u kojem novi sistem može da počne da služi ljudima onako kako bi trebao.

Ako ste spremni i voljni pomoći nam u vođenju ove promjene, pridružite se ovoj novoj viziji DiEM25 – pokret koji je radikalniji, naoštren i spreman za svijet 2022. godine i onaj koji tek dolazi.

Pridruži nam se.